

ris erit & istud omnibus prædestinatis concessum: *705 1702*
mutabimur: at Conceptio sine culpa originali nulli hominum fuit concessa, nec ulli concedetur; cum sit propria Christi Salvatoris nostri ex Spiritu Sancto concepti: ergo si pro Mysteriis Nativitatis, & Assumptionis, esto antecellant in antiquitate, & in fundamentis Mysterium Conceptionis, non fuit necessaria definitio ex Cathedra, nec etiam erit pro isto.

XIV. Posset reponi, necessariam non fuisse definitionem pro illis Mysteriis, quia de illis numquam dubitatum fuit, & Fideles illa semper venerati sunt.

Præcindendo, an de hisce Mysteriis aliquando fuerit dubitatum, & præcipue de principali, quod est illud Assumptionis Virginis in corpore, & anima, de quo videri poterunt auctores tractantes de Festis, & describentes vitas Sanctorum: ex instantia, quæ nobis objicitur, eruimus forte argumentum pro validitate nostræ assertionis.

Quando dubitatum fuit de Conceptionis Mysterio, & doctores digladiabantur ad invicem pro alterutra parte non sine gravi Fidelium scandalo, & jactura charitatis, & pacis Christianæ; Pontifices omnes, qui per varias Constitutiones conati sunt tanto malo occurrere, numquam definitioni dederunt manus. Prohibuerunt utrique parti, ne probris, injuriis, & censuris se gravarent ad invicem; sanxerunt non esse disputandum publice coram populo, & vulgari sermone; vetuerunt etiam loqui de illo in privatis colloquiis; numquam tamen ad decisionem pro una, vel altera parte venerunt. Immo Alexander VII. in sua Constitutione, quæ pro Immaculata Conceptione est cæteris favorabilior, expresse declarat, Mysterium nondum fuisse a Sede Apostolica decisum, & se per suam Constitutionem nolle, nec intendere decidere: si ergo dum dubitabatur de Mysterio, & in fervore disputationum Pontifices censuerunt, non esse necessariam definitionem, quare hodie dicenda est necessaria?

XV. Quis dicet, Sedem Apostolicam tunc ferventibus disputationibus prudenti consilio non definivisse, ne majora scandala inter suos orirentur; modo vero, quia omnia sunt

Q

sunt